

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst («Službene novine Zeničko-dobojskog kantona», broj 7/10), a u vezi sa članom 9. Zakona o cestama Federacije BiH („Službene novine Federacije BiH”, broj 12/10, 16/10 i 66/13), Vlada Zeničko-dobojskog kantona, na prijedlog Ministarstva za prostorno uređenje, promet i komunikacije i zaštitu okoline, na 142. sjednici, održanoj 24.12.2013. godine, d o n o s i

ZAKLJUČAK

I.

Prima se na znanje Informacija o postupku davanja saglasnosti na prijedlog Odluke o razvrstavanju javnih cesta u autoceste i brze ceste, magistralne ceste i regionalne ceste na području Federaciji Bosne i Hercegovine.

II.

Zadužuje se Ministarstvo za prostorno uređenje, promet i komunikacije i zaštitu okoline da da saglasnost Federalnom ministarstvu prometa i komunikacija na prijedlog Odluke o razvrstavanju javnih cesta u autoceste i brze ceste, magistralne ceste i regionalne ceste na području Federaciji Bosne i Hercegovine.

III.

Zaključak stupa na snagu danom donošenja.

Broj: 02-_____/13.

Datum, 24.12.2013. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline,
1x Kantonalna direkcija za ceste,
1x a/a.

INFORMACIJA

o postupku davanja saglasnosti na prijedlog Odluke o razvrstavanju javnih cesta u autoceste i brze ceste, magistralne ceste i regionalne ceste na području Federaciji Bosne i Hercegovine

U skladu sa članom 9. Zakona o cestama Federacije BiH ("Službene novine Federacije BiH", br. 12/10 i 16/10) i Uredbe o mjerilima i kriterijumima za kategorizaciju javnih cesta ("Službene novine Federacije BiH", br.62/11), Federalno ministarstvo prometa i komunikacija provodi postupak nove kategorizacije javnih cesta u Federaciji BiH, uz saglasnosti sa kantonalnim ministarstvima nadležnim za poslove prometa.

Postupak kategorizacije javnih cesta je od strateškog značaja za Federaciju BiH, obzirom da je u primjeni kategorizacija magistralnih i regionalnih cesta prema Odluci o utvrđivanju magistralnih puteva («Službeni list SFRJ» br. 39/94 i 4/87) i Odluci o utvrđivanju regionalnih puteva («Službeni list SR BiH» br. 8/91 i 29/91).

U cilju provođenja postupka nove kategorizacije javnih cesta u FBiH, federalni ministar prometa i komunikacija, rješenjem broj: 08-27-126-1/13 od 03.02.2013. godine imenovao je Stručnu komisiju za provedbu postupka kategorizacije javnih cesta u FBiH.

Stručna komisija za provedbu postupka kategorizacije javnih cesta u FBiH (u daljem tekstu: Stručna komisija) obavještava nadležna kantonalna ministarstva za poslove prometa o obavezi formiranja kantonalnih komisija za kategorizaciju cesta, koje će sarađivati sa komisijom na razini Federacije BiH i u skladu sa obavezama iz Zakona o cestama u FBiH provesti postupak kategorizacije lokalnih cesta na području kantona.

Shodno istaknutim obavezama navedenim u aktu Stručne komisije, ministar Ministarstva za prostorno uređenje, promet i komunikacije i zaštitu okoline formira kantonalnu komisiju za kategorizaciju lokalnih cesta, rješenjem broj: 12-27-6020-2/13 od 26.03.2013.godine.

Nakon formiranja komisija za provedbu postupka kategorizacije javnih cesta na području FBiH, Federalno ministarstvo prometa i komunikacija vrši izbor konsultanata koje će angažirati JP Ceste Federacije BiH za izradu generalne studije, koja će biti stručna podloga za provedbu postupka kategorizacije cesta.

Aktivnosti Federalnog ministarstva prometa i komunikacija i Stručne komisije za provedbu postupka kategorizacije javnih cesta u FBiH, odvijale su se u slijedećim fazama:

- priprema platforme za rad, prikupljanje podataka i izrada generalne studije za kategorizaciju javnih cesta od strane konsultantskih kompanija,
- „javna rasprava” o platformi,
- priprema Odluke o kategorizaciji javnih cesta u FBiH,
- implementacija Odluke.

U skladu sa zadatim aktivnostima Stručne komisije, kantonalnim komisijama dostavljen je upit o faktičkom stanju i prijedlozima za kategorizaciju cesta sa unificiranim obrascima za dostavu potrebnih podataka za postupak kategorizacije cesta u FBiH

Na osnovu uputstva i obrazaca Stručne komisije, Kantonalna komisija je prikupila i obradila sve tražene podatke, te dostavila priložene tabelarne obrasce sa slijedećim pokazateljima:

- trenutno faktičko stanje regionalnih cesta na području Zeničko-dobojskog kantona,
- prijedlozi za novu kategorizaciju lokalnih cesta u regionalne cesta na bazi prijedloga općina i izvoda iz Prostornog plana Ze-do kantona (2007-2027),
- prijedlozi za novu kategorizaciju regionalnih cesta u magistralne ceste

Na bazi prijedloga kantonalnih komisija, Stručna komisija je organizovala konsultativni sastanak na kojem je prezentovana Studija o kategorizaciji javnih cesta u FBiH sa nacrtom Odluke o kategorizaciji cesta. Sastanak je održan u sjedištu Zeničko-dobojskog kantona uz prisustvo predstavnika svih općina ZE-DO i SB Kantona i članova kantonalnih komisija.

Sve primjedbe i sugestije učesnika radno konsultativnog sastanka su analizirane i objedinjenje od strane kantonalnih komisija i proslijeđene na dalji postupak Stručnoj komisiji. Nakon sveobuhvatne analize od strane Stručne komisije, organizovana je javna rasprava po kantonima. Naime, po pozivu Stručne komisije, za područje Zeničko-dobojskog kantona, u Zenici održana je i javna rasprava o nacrtu Odluke o kategorizaciji magistralnih i regionalnih cesta.

Shodno održanoj javnoj raspravi o nacrtu Odluke o kategorizaciji magistralnih i regionalnih cesta na području Zeničko-dobojskog kantona, kantonalna komisija je obavila radne sastanke sa predstavnicima nadležnih općinskih organa za poslove prometa, sa ciljem objedinjavanja zajedničkih primjedbi i sugestija za prijedloge novih kategorizacija cesta predloženih od strane kantonalne komisije, a koji nisu obuhvaćeni od strane Stručne komisije.

Nakon analize svih primjedbi i sugestija od strane kantonalnih komisija, Stručna komisija je organizovala sastanak sa predsjednicima kantonalnih komisija, sa ciljem prezentacije generalne Studije o kategorizaciji javnih cesta u FBiH i prijedloga Odluke o razvrstavanju javnih cesta u autoceste i brze ceste, magistralne ceste i regionalne ceste na području Federacije BiH.

Od ukupnog broja predloženih cestovnih pravaca za novu kategorizaciju cesta, Stručna komisija je prihvatila 75 % prijedloga kantonalne komisije za kategorizaciju regionalnih u magistralne ceste i 56 % prijedloga za kategorizaciju lokalnih cesta u regionalne ceste.

U tom pravcu, kantonalna komisija za provođenje postupka kategorizacije javnih cesta uvidom u svu dostavljenu dokumentaciju od strane Federalnog ministarstva prometa i komunikacija, smatra da prijedlozi iz predmetne Odluke i to u dijelu koji se odnosi na cestovnu mrežu na području Zeničko-dobojskog kantona, odgovaraju prijedlozima i primjedbama općina i ove Stručne komisije, te da se shodno drebama člana 9. Zakona o cestama Federacije BiH ("Službene novine Federacije BiH" broj: 12/10), može dati saglasnost na istu.

Prijedlog predmetne Odluke o razvrstavanju javnih cesta u autoceste i brze ceste, magistralne ceste i regionalne ceste na području Federaciji Bosne i Hercegovine, kao i forma prijedloga rješenja kojim se daje saglasnost na istu, sastavni su dio ove Informacije.

Također, skrećemo pažnju da uporedo sa aktivnostima datim u ovoj Informaciji, Kantonalna komisija za kategorizaciju cesta provodi aktivnosti na kategorizaciji lokalnih cesta, uz saglasnost nadležnih općinskih organa za poslove prometa, prema uputstvima i obrascima Stručne komisije.

MINISTAR

Edin Terzić

Broj: 12-14-6020-11-1/13
Zenica, __.12.2013.godine

U skladu sa odredbama člana 70. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine” broj: 35/05) i odredbama člana 9. Zakona o cestama Federacije Bosne i Hercegovine („Službene novine Federacije Bosne i Hercegovine” broj: 12/10), Ministarstvo za prostorno uređenje, promet i komunikacije i zaštitu okoline daje

R J E Š E N J E

Daje se saglasnost Federalnom ministarstvu prometa i komunikacija na prijedlog Odluke o razvrstavanju javnih cesta u autoceste i brze ceste, magistralne ceste i regionalne ceste na području Federaciji Bosne i Hercegovine.

Obrazloženje

Federalno ministarstvo prometa i komunikacija aktom broj: 08-27-1338-8/13 od 09.12.2013.godine traži da Vlada Zeničko-dobojskog kantona da saglasnost na prijedlog Odluke o kategorizaciji javnih cesta u Federaciji BiH. Uz zahtjev je priložen prijedlog Odluke o razvrstavanju javnih cesta u autoceste i brze ceste, magistralne ceste i regionalne ceste i pregledna karta cestovne mreže u Federaciji Bosne i Hercegovine.

Stručna komisija za provođenje postupka kategorizacije javnih cesta imenovana rješenjem broj: 12-27-6020-2/13 od 26.03.2013.godine od strane ministra Ministarstva za prostorno uređenje, promet i komunikacije i zaštitu okoline, uvidom u dostavljenu dokumentaciju, smatra da prijedlozi iz predmetne Odluke i to u dijelu koji se odnosi na cestovnu mrežu na području Zeničko-dobojskog kantona, odgovaraju prijedlozima i primjedbama općina i ove Stručne komisije, te da se shodno odredbama člana 9. Zakona o cestama Federacije BiH (“Službene novine Federacije BiH” broj: 12/10), može se dati saglasnost na istu.

Shodno naprijed navedenom odlučeno je kao u dispozitivu ovog rješenja.

Dostavljeno:

- 1 x Naslov,
- 1 x a/a.

MINISTAR

Edin Terzić

PREGLED JAVNIH CESTA U FEDERACIJI BIH ZA POTREBE KATEGORIZACIJE CESTA

KANTON: ZENIČKO-DOBOJSKI KANTON

PREGLED REGIONALNIH CESTA SA PRIJEDLOZIMA ZA PREKATEGORIZACIJU U MAGISTRALNE CESTE

Rbr.	Naziv ceste (od-do)	Aktuelna oznaka ceste (M, R, L)	Dužina ceste u 0,0 km	Aktuelno stanje kolovozne konstrukcije		Prijedlog usvojene od strane Federalne stručne komisije za kategorizaciju Da/Ne
				Vrsta završnog sloja (makadamin, asfalt, asfalt-beton)	Širina kolovoza bez bankine ili troškara u 0,00 m	
1.	A1-Visoko-Kiseljak (granica Kantona)	R443	11,669	asfalt	5,5	Da
2.	M17-Noví Šeher-Tešanj-Jelah-granica Federacije	R474	36,973	asfalt/makadamin	5	-
3.	M17-Žepče-Zavidovići-Maglaj(granica Federacije)	R465	39,993	asfalt	6	Da (modificirana verzija)
4.	Nemila-Bistričak-Teslić (granica Federacije)	R473	12,293	asfalt/makadamin	4,6	Ne
5.	Nemila-Zenica-Lašva-Bilješevo (Tičići)-Kakanj-Čatići-Visoko-Podlugovi (granica Kantona)	R445	68,229	asfalt/makadamin	4,0-6,0	-
6.	Olovske Luke-Sokolac (granica Federacije)	R468	9,583	asfalt	4,5	-
7.	Podlugovi-Breza-Vareš-Podkamenko	R444	50,125	asfalt/makadamin	4,2-5	Da
8.	Ribnica-Banovići (granica Kantona)	R469	3,816	asfalt	5,5-6	Da
9.	Vareš (Pogar) - Kraljeva Sutjeska (Ratanj)	R444a	20,637	asfalt/makadamin	4,2	-
10.	Zavidovići-Ribnica-Podkamenko-Olovo-Han Pijesak (granica Kantona)	R467	87,465	asfalt/makadamin	4,0-5,0	Da (modificirana verzija)
11.	Zenica-Vjetrenica-Vitez (granica Kantona)	R441	9,991	asfalt	5,5	Da
12.	Čatići-Kraljeva Sutjeska-Lipnica-Ponijeri-Kamenica-Zavidovići	R466	66,691	asfalt/makadamin	4,0-5,0	-
13.	Čajdras-Ovnač-Travnik (granica Kantona)	R413a	11,205	asfalt	4	Ne

Sh

PREGLED JAVNIH CESTA U FEDERACIJI BIH ZA POTREBE KATEGORIZACIJE CESTA
 KANTON: ZENIČKO-DOBOJSKI KANTON
 PRIJEDLOZI OPĆINA ZA PREKATEGORIZACIJU IZ LOKALNIH U REGIONALNE CESTE

R.br	Naziv ceste (od-do)	Aktuelna oznaka ceste (M, R, L)	Dužina ceste u 0,0 km	Aktuelno stanje kolovozne		Prijedlog usvojen od strane Federalne stručne komisije za kategorizaciju Da/Ne	Prijedlog općine
				Vrsta završnog sloja (makadama, asfalt, asfalt-beton)	Širina kolovoza bez bankine ili trotoara u 0,00 m		
1.	M 4 (most)-SIVŠA-MLINIŠTE	L	4,75	asfalt	5	Ne	Usora
2.	R474-ĆEMANI-OŠ SIVŠA-BRATIĆI	L	6,47	asfalt	5	Ne	Usora
3.	M-4 (most)-ALIBEGOVCI-KOLNICA-RAJKOVAČE	L	5,07	asfalt	5	Ne	Usora
4.	LOVAČKI DOM-BEJIĆI-ULARICE-ŠUMSKI DVOR-MAKLJENOVAC-VILA (M17-Doboj)	L	8,70	asfalt	4,5-5,0	Ne	Usora
5.	TEŠANJKA-ŽABLIJAK GROBLJE-LJETINIĆ (R474)	L	2,90	asfalt	5,5	Ne	Usora
6.	ZAVIDOVIĆI-DOLINA-LJEŠNICA-MAGLAJ	L	5,00	asfalt	4	Ne	Zavidovići
		L	8,00	asfalt	3,5-4,0	Ne	Maglaj
		L	5,80	asfalt	4	Ne	Žepče
7.	KAKANJ-TRŠĆE-PONIJERI	L	25	asfalt	3,5-5,0	Da	Kakanj
8.	KANTONALNA BOLNICA ZENICA-ARNAUTI-RIBNICA-KAKANJ	L+N	9	makadam	3,0-5,0	Da	Kakanj
		L	14,1	asfalt	4-7		Zenica
9.	MEDAKOVO-ŠIJE	L	6,10	asfalt	5,5	Da (modificirana verzija)	Tešanj
10.	LOKALNI PUT MATUZIĆI (Trg 21. Mart, Ulica Bosanska)	L	2,35	asfalt	5	Da (modificirana verzija)	Doboj Jug
11.	LOKALNI PUT DRUM (Ulica Drum)	L	3,439	asfalt	4,5 i 5,0	Da (modificirana verzija)	Doboj Jug
12.	M17-BEGOV HAN-PEPELARI-ZENICA	L	2,80	asfalt	4	Ne	Žepče
		L+N	19	asfalt/makadama	4-5,5	Ne	Zenica
13.	ŠIMIN POTOK-OČEVIJA-KRIŽEVIĆI(Olovo)	L	14,0	asfalt/makadama	5	Ne	Vareš
14.	STUDENAC-RAVNE-KAMENICA (Crna Rijeka-Ilijaš)	L	14,0	asfalt	3-5	Da (modificirana verzija)	Vareš
15.	M 17-DOLAČA-MOŠĆANICA (regionalna deponija)	L	9,3	asfalt	5-6	Da	Zenica
16.	M17 (Bistrica)-RAVNA-ORUČE (veza Općina Tešanj)	L	6,70	asfalt/makadama	4,00	Ne	Maglaj
17.	CESTA KROZ NASELJE MAGLAJ POVEZUJE R465 I M17	L	2,80	asfalt	6,00	Da	Maglaj
18.	NOVI ŠEHER-KOPICE (veza općine Testić)	L	6,80	asfalt	5,00	Da (modificirana verzija)	Maglaj
19.	MOŠTRE-KONDŽILO-BREZOVIK * (veza sa Srednjo-bosanskim kantonom preko Bilalovca)	L	11,00	asfalt/makadama	5- 6,60 m	Da	Visoko
20.	Ulica Bosne Srebrene- Kadije Uvejsa- Servisna saobraćajnica do naplatnih kućica (gradske ulice)	L	2,90	asfalt	5,5 m	Da	Visoko

ff